

Skútustaðahreppur  
Guðrún María Valgeirsdóttir,  
sveitarstjóri  
Hlíðavegi 6  
660

|                         |
|-------------------------|
| Umhverfisstofnun        |
| Áb. _____               |
| 15. ágú. 2011<br>10.4.2 |
| Tilv. _____             |



UMHVERFISSTOFNUN

Reykjavík, 10. ágúst 2011  
Tilvísun: UST20110500097/ksj

**Aðalskipulag Skútustaðahrepps 2010 - 2022. Áfangaskýrsla 1. Forsendur  
Lýsing skipulagsáætlunar, verkáætlun. Áfangaskýrsla 3. Aðalskipulag  
Skútustaðahrepps 2010 - 2021. Umsögn**

Vísað er til erindis sveitarstjóra Skútustaðahrepps er barst 12. maí sl. þar sem óskað er umsagnar Umhverfisstofnunar um Áfangaskýrslu 1, forsendur sbr. ákvæði í 30 gr. skipulagslaga nr. 123/2010 og áfangaskýrslu 3: Lýsing skipulagsáætlunar, verkáætlun.

Unnið er að endurskoðun á gildandi aðalskipulagi Skútustaðahrepps 1996 - 2015. Meginástæða endurskoðunar aðalskipulagsins eru ný lög nr. 97/2004 um verndun Mývatns og Laxár í Suður Þingeyjarsýslu. Nýtt aðalskipulag mun taka til alls sveitarfélagsins.

**Aðalskipulag Skútustaðahrepps 2010 - 2022. Áfangaskýrsla 1. Forsendur.**

**Samgönguáætlun**

Í umfjöllun um landsáætlanir, nánar tiltekið samgönguáætlun kemur fram að hjá Vegagerðinni liggja fyrir drög að breyttri veglínu hringveggar og nýrri brú á Jökulsá á Fjöllum, sem ekki eru í samgönguáætlun. Umhverfisstofnun mun taka afstöðu til ofangreindra breytinga þegar staðsetning brúar og breyting á veglínu liggur fyrir.

**Stefnumið stjórnvalda**

Í umfjöllun um stefnumið stjórnvalda og umfjöllun um hvaða atrðið í stefnumiðum stjórnvalda „*Velferð til framtíðar*“, kemur fram að stjórnvöld stefni að því að íbúar landsins búi við heilnæmt andrúmsloft og að loftmengun af völdum iðnaðar og umferðar verði haldið í lágmarki. Þar sem stefnt er að aukningu í virkjun háhita í landi sveitarfélagsins Skútustaðahrepps telur Umhverfisstofnun mikilvægt að fram komi endurskoðuðu aðalskipulagi hvernig áætlað er að bregðast við aukinni mengun brennisteinsvetnis þannig að loftmengun verði ekki meiri en stjórnvöld stefna að.

## Landnotkun

Í áfangaskýrslu er umfjöllun um svæði sem eru frátekin vegna mögulegrar náttúruvár, vatnsverndar, og friðunar- og verndarákvæða vegna náttúrufars og menningarminja. Í skýrslunni eru þessi skipan á landnotkun talin vera takmörkun á landnotkun. Umhverfisstofnun bendir á að friðun og vernd svæða vegna sérstæðs náttúrufars er ekki takmörkun á landnotkun heldur er það ein tegund landnotkunar.

## Friðlýst svæði

Umhverfisstofnun bendir á að vegna undanþágu frá reglum er varða Herðubreiðarfriðlandið og varða menningarminjar t.d.: „Við (friðlýstum) rústum má enginn hrófla“ , þarf að fá leyfi hjá Fornleifavernd ríkisins.

Að öðru leyti gerir Umhverfisstofnun ekki athugasemdir við Áfangaskýrslu 1 Forsendur

## Lýsing skipulagsáætlunar, verkáætlun. Áfangaskýrsla 3. Aðalskipulag Skútustaðahrepps 2010 - 2021

Í drögum að stefnu sveitarfélagsins í skipulagslýsingu kemur fram að stefnt er á breytingu á þjóðvegi 1, þ.e. nýrri brú yfir Jökulsá á Fjöllum og breyttri veglínu. Umhverfisstofnun mun taka afstöðu til ofangreindra breytinga þegar staðsetning brúar og breyting á veglínu liggur fyrir.

Virðingarfyllt

Ólafur A. Jónsson  
Sviðsstjóri

Kristín S. Jónsdóttir  
Kristín S Jónsdóttir

Skipulagsstofnun